

Powšitkowne WOZJEWJENJA

njedźelu, 5. januara 2020

Hodowny koncert w Chróścicach

Tradicionelny hodowny koncert Chróścanskeho cyrkwinskeho chóra wotměje so tutu njedźelu, 5. januara, w 14 hodź. w tamnišej farskej cyrkwi. Nimo skerje znatych hodownych spěwow zaklinča někotre klasiske překwapjenki. Koncert, na kotrymž tež instrumentalisća a młode talenty sobu skutkuja, budže Michał Cyž nawjedować.

Terminy firmowanjow w serbskich wosadach

W serbskich wosadach wudźěli Drježdžansko-Mišnjanski biskop Heinrich Timmer-
evers lětsa zaso swjaty sakrament firmowanja. Předwidžane su sčěhowace terminy:
njedźelu, 26. apryla, w Chróścicach; sobotu, 9. meje, w Radworju; sobotu, 30. meje,
w Budyšinje; sobotu, 6. junija, w Ralbicach, njedźelu, 14. junija, w Baćonju, sobotu,
4. julija, w Njebjelčicach a njedźelu, 4. oktobra, we Wotrowje.

Předstajenja noweje hry Bratrowstwa

Po premjerje předstaji dźiwadłowa skupina Kulowskeho Bratrowstwa swoju nowu žort-
nu hru „Namrěwstwa dla zawrjene“ tutu njedźelu, 5. januara, w 17 hodź. hišće raz w
Sulšecach. Přichodnu njedźelu, 12. januara, zahraja ju na Krawčikec žurli w Chrósci-
cach a njedźelu, 26. januara, w 17 hodź. w Šunowje. Terminy dalších předstajenjow
w serbskich wsach so sčasom wozjewja.

Přednošk w putniskej hospodže

W Chróścanskej putniskej hospodže změje Beate Gruß z Budyšina pjatk, 10. januara,
w 19.45 hodź. přednošk k temje „Jězba do Pětrohrodu“. Džeń pozdžišo, 11. januara,
budže znova serbske džěćace kino. Pokazaja film „Čapkowe činki“.

Putniska jězba do „Božeje zahrody“ a wokoliny

Ze Šmitec wozydłownistwom přeprašuju na putniku jězbu wot štwórtka do póndžele,
30. julija do 3. awgusta, do tak mjenowaneje „Božeje zahrody“. W bazilice Vierzehn-
heiligen wobdžělmy so na wulkich putniskich kemšach. Zastanjemy tohorunja w Bayreu-
će a wopytamy tam mjez druhim synagogu. W Bambergu wobhladamy sej biskopsku
cyrkej a město, zeznajemy mošeju a změjemy tež swobodny čas. Nimo toho steja Bad
Staffelstein, Lichtenfels a klóšter Banz na programje. T. Kubašec

Putniskej jězbje z busom w lěće 2020

Tež lětsa přeprašuju zaso zajimcow na putniskej jězbje. Prěnja powjedže po slědach
bamža Jana Pawoła II. wot soboty do pjatka, 6. do 12. junija, do susodneje Pólskeje.
Wopytamy Wadowice, Zakopane, Częstochowu, Warszawu a Licheń. Dalša putniska
jězba budže wot njedźele do soboty, 30. awgusta do 5. septembra. Podamy so do se-
wjerneje Italskeje ke Gardaskemu jězorej. Mjez druhim wobhladamy sej hnadowne
městno „Madonna della Corona“ a dožiwimy předstajenje opery „Aida“ pod hołym nje-
bjom w antikskej arenje we Veronje. Nadrobniše informacije dóstanu zajimcy pod tele-
fonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola
mje w Hórkach, Sydlišćowu puć 2. Maćij Hadank

600 lět Chróšćanske Bratstwo swjateho Bosćana

Bože služby a zarjadowanja

pjatk, 17.01.2020

19.45 hodź. na Chróšćanskej farje
přednošk: dr. Birgit Mitzscherlich
„Bratstwa swjateho Bosćana
a Chróšćanske bratstwo“

sobotu, 18.01.2020

lubjeny kruty póstny dzeń w Chróšćanskej wosadze

17.00 hodź. modlenje
při postavach a swjećatach
swjateho Bosćana

*(Chróscicy, Swinjarnja, Pančicy, Kukow, Smječkency, Worklecy,
blisko Hornjeho Hajnka, Hrańca, Hórki, Jaseńca)*

njedzeli, 19.01.2020

17.00 hodź. swjatočny nyšpor we wosadneje cyrkwi
a procesion po wsy ze swěčkami ke kapalce za padłych
Prěnjeje swětoweje wójny, kotraž so po wobnowjenju
znowa poswjeći

póndzeli, 20.01.2020

9.00 hodź. swjatočna Boža mša
we wosadneje cyrkwi z biskopom
Heinrichom Timmereversom,
duchownymi Budyskeho
dekanata a dalšimi měšnikami
po tym přikus w Hórnikowym domje

14.00 hodź. swjatočny nyšpor
we wosadneje cyrkwi
a procesion wokoło
Cyrkwinskeje hory
a po kěrchowje

15.00 hodź. hłowna zhromadźizna
bratstwa na farje

*Wšitcy wěriwi, tež ze zwonka Chróšćanskeje
wosady, su přeprošeni, do Bratstwa
swjateho Bosćana zastupić.*

*Termin wotewrjenja wustajeńcy
so hišće wozjewi.*

